

Visoki predstavnik produžio zabranu raspolaganja državnom imovinom



Visoki predstavnik Miroslav Lajčak danas je produžio važenje državnog i entitetskih zakona o zabrani raspolaganja državnom imovinom do 31. decembra 2007. godine. Pozvao je Vijeće ministara BiH, Vladu Federacije BiH i Vladu Republike Srpske da se dogovore oko raspodjele prava i odgovornosti u vezi sa državnom imovinom prije isteka decembarskog roka. <?xml:namespace prefix = o ns = "urn:schemas-microsoft-com:office:office" />

Zabrana raspolaganja državnom imovinom, koja je prvobitno nametnuta 21. marta 2005. godine, ističe 30. septembra 2007. godine. Komisija koju je Vijeće ministara osnovalo u decembru 2004. godine ovlaštena je za izradu zakona kojima će se utvrditi koja imovina pripada kojem nivou vlasti, kao i propisa za buduće upravljanje ovom imovinom. Komisija tek treba da se usaglasi o kriterijima na kojima će se zasnivati novi zakoni, a vlade sada moraju kolektivno udvostručiti napore i osigurati smjernice za rad Komisije postizanjem međuresornog sporazuma o državnoj imovini.

U odsustvu zakona o vlasničkim pravima i odgovornostima u pogledu upravljanja državnom imovinom, visoki predstavnik je ponovo primoran da intervenira kako bi zaštitio interes zemlje kao cjeline.

[Odluka o izmjenama i dopunama Zakona o privremenoj zabrani raspolaganja državnom imovinom Bosne i Hercegovine](#)

[Odluka o izmjenama i dopunama Zakona o privremenoj zabrani](#)

raspolaganja državnom imovinom Federacije Bosne i Hercegovine

Odluka o izmjenama i dopunama Zakona o privremenoj zabrani
raspolaganja državnom imovinom Republike Srpske